

Nwa' wvù Baul to saᅇε ê Taytus

Fiεε fi nu ê Nwa' Taytus wvun e

Nwa' wvun to saᅇ Baul fô cuwee mvu le ε bó teje le Taytus. Taytus to nu wee ketum kemew kè yaa nu ke ke Bojuu le, ε wvú to cine nce woᅇ wvubole banke no nu wee mbee wvu Klistu. Wvú to lemte bô Baul, nu wee wvù fici wvú yí lemme diw di diεw Nyo' le. Baul to saᅇ ᅇwa' wvun fô cuwee wvun e ε wvú nu woᅇ wvù Klet e. Wvú to nu jó ε Baul ε cine wvú le le wvú eshεε eficì jó taale no lemme di kentaashε ke bonyii bo mbee le gene.

Baul nu ε tamcε Taytus ekumε kenje kè bonyii bô nu bikuu bi kentaashε ke bonyii bo mbee le kenke keekεke. Wvú to jemyi ê wvú no wvú to yene ε bonyii bo Klet nteen kenke kenje ε è nu kè befe. Fiεε fi bii fó nu ε wvú teete Taytus no è nulo é wvú eyεεyì bonyii jεy jεy ê kentaashε ke bonyii bo mbee le.

Bikuu bi mwεεm e ê Nwa' wvun e

1:1-4 Kenkεwce

1:5-16 Ekumε Bikuu bi kentaashε ke bonyii bo mbee le

2:1-15 Ekumε gee di bonyii jεy jεy ekenkè ente jo kentaashε ke bonyii bo mbee le

3:1-11 ε Baul tefe Taytus

3:12-15 Kemεse

¹ ε nu me wvù Baul, ε me nu waa lemme Nyo' noo waa ntum Jisos Klistu. Lemme diem nu

keengee ε mbee bonyii bò Nyo' nu ε caw gene fwe, bô le bó ekeè fiεε fi kecεεy fi bii nce wvù ε nu wvù Nyo' gomte le,

² emum etaalè fwe yî nshii wvù mεy lo wvù Nyo' wvù nulo saa mbiay mbiay to kawεε ε won sε ke kεw e.

³ Kefew ke leη to nu ε dioo kocεn, ε wvù mum dunçε diεw ye εndan fele yî diεw ye yì me nfewci le, ε è to nya Nyo' wvù Mboyse wesebeene mvunçay mvudvu ê me le me enfewci.

⁴ Me nsaanke ηwa' wvun fô wo le Taytus. Wo nu waa wεm wvu kecεεy yî mbee wvù è nu wesebeene bocii le. Nyo' Ice bô Klistu Jisos wvù Mboyse wesebeene ebuw wo, enya wo bô nyεkeey.

Lemme di Taytus to shεεεε Klet keege

⁵ Shiee wvù me nto ncin'yεε wo le Klet to nu le wo eshεε enεle mwεεm mvù nu ε lemlεm, ebvuu egεε bocee bintaashε bi bonyii bo mbee le bilaante le bicii ê je yì me nto ndunçεε ê wo le.

⁶ Wee keenu cee kentaashε nu ε wvù keηke keenu wee wvù yaa keηke ke fiεε fi bó ebaci wvù yî dvù le ke. Wvù keηke keenu dwee kpwoon mwaan, ε boom bew nu bonyii bo mbee le, ε è yaa nu bò bonyii yεne le bó ghançhanç lo kenεε tεmyi bikuu ke.

⁷ No cee εkolε ke kentaashε le nu wee lemme Nyo', tu ke wvù keηke keεkeηke fiεε fi bó ebaci wvù yî dvù le ke. Ke wvù keηke keedunçi ye kenεε keηke shém yì ton'yεεn kenεε nu wvù wuu mbvuum ε mó

koole κε. Κε wvú κηηκε keenu wvù wamene bonyii κενεε wvù kuηηκε κε ε è nu σεw κε.

⁸ Wvú κηηκε keenu wvù fiisene bonyii bo ghane le, koonηκε fiεε fi è nu fi jee, gee mwεεm bô bvufee, κηηκε nce wvu teytey, κηηκε nce wvù yuule, kee keejice ye ye le.

⁹ Wvú κηηκε keenu wvù jici n'yεεyi wvù è nu wvu ληη wvù bó yεεyi wvù dvú ntay, wvu λε wvù enyaa ntefe ê bonyii bii ε è nu n'yεεyi wvù è nu wvu ληη e, ebvuu etooshi ten bonyii bô kicine n'yεεyi wvudvu.

Bó ecilè n'yεεyi bonyii bo mbiay e

¹⁰ Me njemyi nen njefo bonyii nu dvú nteen bô temyi bikuu, bô jemyi díεw yi εcici, λεεle bonyii, efey mvunciim ηgoo bonyii ba bô leeme κε λε bó κηηκε keetfuuse bonyii yew.

¹¹ Boban nu bonyii bô bó eban lo dew yibo, njefo bó ghane bvunse yéw bonyii yicci no bó yεεyi mwεεm mvù bó yaa κηηκε keeyεεyi κε. Ε bó gee nonen ε è nu nje bigew bi εcici bì bó kuηηκε.

¹² Bonyii ban nu ε wee wvubo mvu keβεε wvù bó duu λε è nu wee ntum Nyo' wvubo to jeme wase εκυμε bó gayte λε, “Bonyii bo Klet ké no nu bonyii bo mbiay e sekecii. Bó nu lo nyám yi ηkpwaante yi befe, nu biwelencoy bì wuwte κε ε è nu mwεεm mvudien.”

¹³ Njeme wvudvu wvun εκυμε bó nu lo keceey. Nonen è looci tooshi lo bó dew yibole, wvu λε bó eκεηκε mbee ε è nu wvu ληη,

14 εfey fo bó enya bikuu bibole eyuuke ε è nu mvumanḡaan mvu Bojuu le, κενεε mwεεm mvù bonyii bò nu ε tun mwεεm mvu keceey mvù Nyo' gayte λε bonyii ebii dvú le.

15 Bonyii dioo κηηκε mvuntelem mvù yuule, ε mwεεm mvunciim no yuule fô bó le. Geenεn, bó dioo κηηκε mvuntelem mvù yiile σε bó κηηκε mbee, fiεε saa enu dvú fi yuule fô bó le κε, njefo bonḡpawawce bobole bò je yì mvuntelem mvubole nu jó, nu ε befe wase.

16 Boba bonyii duu λε bó kee Nyo', geenεn ε gee dibole kaa duḡci λε bó nu ε ma lo Nyo'. Nce wvubo nyene baay, ε bó temyi bikuu. Ke bó nu bonyii bò nulo ege naa lo fiεε fi jee κε.

2

Bon'yεεyi ekumε κηηγε κè jee

1 Fô wo le Taytus, fiuw nu ε wo κηηκε keeyεεyi bonyii ε è nu bò mwεεm mvù cemsene ê n'yεεyi wvu λη e.

2 Ε teetè bolemsε bò nu wase ηgaybonyii λε bó ejici ye yibole yì fiεε le ficii, κηηκè n'wvum fô bikuu bibole, geè mwεεm diεwε bonyii bò κηηκε bvufee le, κηηκè mbee ε è nu wvu λη, κηηκè κηηκονηεn ε è nu ke λη, kuulè shém yì bonḡεw e bocii.

3 Ε teetè ten bokεneε bò nu wase ηgaybonyii λε bó eκεηκè κηηγε ε è nu κè duḡci n'wvum fô Nyo' le. Fo bó ekunsenè mvuḡkunsen κε. Fo bó enù bonfaw bo

mbvuum e κε. Βό eyeyi bonyii ε è nu bô mwεem mvù jee.

⁴ Nonεn, é bó emum eteete ngon bokεne no è nulo é bó ekoonke bole' bobole noo boom bobole,

⁵ bvuu geè mwεem diεwe bonyii bò κεηκε bvufee le, ceè nce wvù yuule, tawtenè yéw yibole, κεηκè mvuntelem mvù jee fô bonyii le, yuukè bole' bobole. Nonεn, wee saa ebvuu enu dvú wvù nulo ejeme diεw yì befe ekumε diεw Nyo' κε.

⁶ Ε nu κε ληληη no wo nu ejemyi é cubonyii λε bó κεηκε keegeè mwεem diεwe bonyii bò κεηκε bvufee le.

⁷ Ε dunçi κεηγε κè jee yì fiεε ficii fi wo gee le, wvu λε bonyii eyenè beηene. Seke wo yeeyi bonyii bô fiεε, ε wo lese fitele fiuw ficii yì dvú le, no yeeyi bô shiee,

⁸ ε njeme wo nu wvu ληη wvù è nulo wee saa eκεηκε fiεε fi befe keejeme εnte jodvu κε. Nonεn, é bonyii bò kicine beene ewuumεn njefo κε bó κεηκε fiεε fi befe keejeme ekumε beene κε.

⁹ Ε teetè bonfaw λε bó enya bikuu bibole é bonyii bò κεηκε bó, egeè fiεε ficii no bó gomte λε bó egeè. Fo bó etfuusè fiεε dew yibole κε.

¹⁰ Fo bó esoonkè mwεem mvubole κε. Βó κεηκε keedunçi lo é jé le yicii λε bó nu bonyii bo kecεy e. Ε bó gee nonεn yì fiεε ficii le, é bonyii emum eyene n'yeeyi wvu ekumε Nyo' wvù Mboyse wesebeene le, λε è nu fiεε ε fí κεηκε njon.

¹¹ Ε yeeyi bó nonεn, njefo mbuwma Nyo' kee-boyse bonyii nu ε to wase wvu λε è nelo é bonyii bocii ke eboy.

¹² Mbuwma wvun yεεyi beene le beene ecine nce wvù yaa nu ke wvù Nyo' gomte le, bô le fo beene ekeηke shiee wvu baay yî mwεem mvu yî nshε le ke. Le beene eceè bô bvufee bvuseεbeene fó bvucii, ceè nce wvu teyey noo nce wvù Nyo' gomte yî won wvun e.

¹³ Beene eceè nonεn, cεyte bvujonke bvù beene taale fwe yî dvù le bvù nu ke ebuynεn, bvù è nu bvukuke bvu Nyo' wesebeene wvu baay wvù è nu Mboyse wvù Jisos Klistu le.

¹⁴ Wvù to nu ε nya εkolε kew nje yese beene keesum beene yî bibefε le bicii, keege é beene eyuule, nu bonyii bew bô keηke shiee wvu baay keege gee di jee.

¹⁵ Mvun nu mwεem mvù wo keηke keeyεyi bonyii dvù. ε teetè bó, duηci bojay bobole bô mvunγay mvunciim mvù wo keηke. Fo wo ebee é wee ejin wo ke.

3

No è nulo é gee di bonyii bo mbee le enù

¹ ε tamci bonyii bo mbee le le bó eyuukè bonyii bô saake won bô bô keηke mvunγay ê bó we le. Bó egeè fiεε fi bó gayte, enù ε bó ε seyse keege fiεε ficii fi è nu fi leη.

² Fo bó ejemyi fiεε fi befe ekumε wee ke. Fo bó ewaalè diwaa ke. Bó enù wεε, joo bikuu bibole fokuse fwe dvu bonyii bocii.

³ Ɛ kumyì Ɣ beene tɛn to shee gee keyuŋ, tɛmyi bikuu, jayte je. Beene to nu bonfaw bo mwɛɛm e jɛɛy jɛɛy mvù ye yesebeene to koonke, bvuu diee bikuu bisɛɛbeene. Beene to cee nce wesebeene keŋke kɛ ɛ è nu mvuntelem mvù befe bô kendon ke benɛn, ɛ bonyii bane beene ɛ beene bane tɛn bonyii.

⁴ Geenɛn, ɛ Nyo' wvù Mboyse wesebeene ke dioo duŋɕe fitele fiew fi jee bô keŋkonɛn kew fô beene le,

⁵ mum boyse beene. Kɛ wvù to boyse beene nje fiɛɛ fimew fi Ɣɛɛ fi beene to gee kɛ. Wvù to boyse nje shen ye fele yî ncukɛ wvù wvù to cukɛɛ beene ɛ beene keŋke mboo wvu fwɛ le, ɛ Keyoy ke Yuule kumɛn beene ɛ beene no nu bonyii bo bofe keŋke nshii wvu fwɛ.

⁶ Keyoy ke Yuule kin nu ɛ wvù to loocɛ tfuw lo yî yese beene le fele yî Jisos Klistu wvù Mboyse wesebeene le.

⁷ Wvù to ge nonɛn wvu Ɣ wen ebuw lo beene, ejo beene Ɣ beene nu sɛ jay, emum enu bondiela bew taale fwe keeke ekeŋke nshii wvù mɛy lo.

⁸ Njeme wvù me njeme wvun nu naa lo keɕɕɛy.

Me nshieele naa Ɣ wo ejemyi ciise lo mwɛɛm mvun ê bonyii, wvu Ɣ bonyii bô nu ɛ bee Nyo' le eyɛn Ɣ bó enya bikuu bibole keegee gee di jee. Mvun nu naa mwɛɛm mvù jee baay, ɛ mvù too bô sɛw fô bonyii le bocii.

⁹ Geenɛn, è wɛmtè bombew bo keyuŋ e, bô ediee

3:3 1Kol 6:11; Ɛfe 5:8 **3:4** 1:3; 2:10-11; 1Tim 1:1; 2:3; 4:10; Tay 3:6 **3:5** Jon 3:5; Lum 6:4; Ɛfe 2:8-9; 5:26; 2Tim 1:9; 1Bi 1:3 **3:6** Lum 8:9-16; 1Kol 6:11; Gal 5:25; 2:13; Fili 3:20; 2Tim 1:10; Tay 3:4; 2Bi 1:11; 1Jon 4:14 **3:7** Lum 3:24 **3:9** 1:10-16 **3:9** 1:14; 1Tim 1:4

ε bo'icee dikfuu yò bonyii ke she taan̄ke. Ε wem̄tè ten mvun̄kic̄en bô diwaa di ekum̄e bonci bo Bojuu le. Ke mvumvun mw̄em̄ ken̄ke naa lo s̄ew̄ ke. Ε nu mw̄em̄ mvu εcici.

¹⁰ Ε wee nu dv̄ú wv̄ú too bô ken̄gaws̄en, é wo jeme ê wv̄ú. Ε wo jeme ê wv̄ú kan̄ mwaan̄ ε buy bokan̄ bof̄εε s̄ε wv̄ú lu, é wo cin̄ε je ye le.

¹¹ Ε keè λε wvuwē wee nu ε wv̄ú ε cin̄ε wase je yi λ̄en̄ e ε no bvuyte lo, ε nce we nu wvu kebef̄ε, ε wv̄ú ε lese wase εkol̄ε kew̄ η̄ḡew̄ e.

Njeme bô bon̄gayma bo fokem̄ese

¹² Me nu η̄ke enciin̄se Atem̄as ken̄εε Tikikus fô wo le. Wv̄ú ke dioo ε to, ε wo mom̄ naa ntay keeto fô me le Nikobolis. Ε nu jó jò me nu ε nseyse λε me nu η̄ke enu ȳi kefew̄ ke nffum̄ wv̄ú t̄emyi le.

¹³ Mom̄ε naa ntay keefic̄ε Senas wv̄ú wee wv̄ú looci kee bonci, bô Abolos ȳi λ̄ene dibole. Mom̄ε eyen̄ λε bó nu ε ken̄ke fiεε fic̄ii fi bó shieele.

¹⁴ Bonyii bos̄εεbeene ten̄ ken̄ke keeȳεyi keenya bikuu bibole keegeε dilem̄me d̄i jee, wvu λε è nulo é bó efici ȳi mw̄em̄ mv̄ú nu shiee le λε bó efic̄ε le. Fo bó en̄ú ke lo εcici ke.

¹⁵ Bonyii boc̄ii bô nu f̄en̄ bee bó ciin̄se η̄gayma ê wo. Gaȳε bonyii bo m̄bee le boc̄ii bô koon̄ke beene. Nyo' ebuw̄ ben boc̄ii.

**Nwa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e